

宮内廳書陵部

圖書寮文庫藏



宮内廳書陵部  
圖書寮文庫藏





宮内廳書陵部  
圖書寮文庫藏

宮内廳書陵部  
圖書寮文庫藏



若人何鄉何姓氏隋才

傑士屠龍技養無所施東守

征待萬里天厭荒淫殺勳君大

地山河移姓李滿眼清賢登廟

堂音生分合山林死竭來寒山

宮內廳書院詩  
三十井不堪回首紅塵市遨戲

圖書

千巖萬水間駕言足躡鼃毛履

不飢不采山中薇渴來只飲山

中水風瓢戛擊惱幽懷移家屢

入深雲裏貧衣縑縷足風霜不

礙寒潭瑩無滓時訪豐干看拾

公膜外形骸忘爾汝擾擾人寰



螳慕羶哂然一笑寒生齒擬將  
大筏渡迷津咳唾烟雲生筆底  
銀鉤灑洒落巖阿至今護守煩  
山鬼世無相馬九方臯但泛肥  
瘦求形似詩成衆口浪雌黃往  
往視之為下俚近來一二具眼  
人頗憐名字遺青史雲袞霞纓  
妙語言謂與騷章無異旨寥寥  
千載無人知偶逢知者惟知此  
知與不知於我乎何知此其所  
以得為寒山子

是襄陽東臯寺寒山集缺此一篇適獲 聖制古文  
金刊梓以全其璧觀音比丘無我慧身敬書



寒山子詩集序

明 袁宏詩 鄧台 諸軍事 守刺史 桂國 賜緋魚袋 闕丘 胤 撰

詳夫寒山子者不知何許人也自古老見之皆謂貧人風狂之士隱居天台唐興縣西七十里號爲寒巖每於茲地時還國清寺寺有拾得知食堂尋常收貯餘殘菜滓於竹筒內寒山若來即負而去或長廊徐行叫喚快活獨言獨笑時僧遂捉罵打趣乃駐立撫掌呵呵大笑良久而去且狀如貧子形貌枯悴一言一氣理合其意沉而思之隱况道情凡所格言洞該玄默乃樺皮爲冠布裘破弊木屐履地是故至人迹同類化物或長廊唱詠唯言咄哉咄哉三界輪迴或於村墅與牧牛子而歌笑或逆或順自樂其性非哲者安可識之矣胤頃受九一薄官臨途之日乃縈頭痛遂召日者醫治轉重乃遇一禪師名豐于言從



天台山國清寺來特此相訪乃命救疾  
而舒容而笑曰身居四大病從幻生  
若欲除之應須淨水時乃持淨水上師  
師乃嘆之須臾絃殄乃謂僧曰台州海  
島嵐毒到日必須保護僧乃問曰未審  
彼地當有何賢堪爲師仰師曰見之不  
識識之不見若欲見之不得取相乃可  
見之寒山文殊迹國清拾得普賢狀  
如貧子又似風狂或去或來在國清寺  
庫院走使厨中著火言訖辭去僧乃進  
途至任台州不忘其事到任三日後親  
往寺院躬問禪宿果合師言乃令勘唐  
興縣有寒山拾得是否時縣申稱當縣  
界西七十里內有一巖巖中古老見有  
貧士頻往國清寺止宿寺庫中有一行者  
名曰拾得僧乃特往禮拜到國清寺乃  
問曰衆此寺先有豐干禪師院在何處  
并拾得寒山子見在何處時僧道翹荅



曰豐干禪師院在經藏後即今無人住  
寺中有一虎時來此吼寒山拾得二人  
見在厨中僧引洎至豐干禪師院乃開  
房唯見虎迹乃問僧寶德道翹禪師在  
日有何行業僧曰豐干在日唯炊舂米  
供養夜乃唱歌自樂遂至厨中竈前見  
二人向火大笑洎便禮拜二人連聲喝  
胤自相把手呵呵大笑叫喚乃云豐干  
饒舌饒舌彌陀不識禮我何爲僧徒奔  
集遽相驚訝何故尊官禮二貧士時二  
人乃把手走出寺乃令逐之急走而去  
即歸寒巖洎乃重問僧曰此二人肯止  
此寺否乃令覓房喚歸寺安置洎乃歸  
郡遂製淨衣二對香藥等特送供養時  
二人更不返寺使乃就巖送上而見寒  
山子乃高聲唱曰賊賊退入巖穴乃云  
南汝諸人各各努力入穴而去其穴自  
合莫可追之其拾得迹沈無所乃令僧



道翹尋其往日行狀唯於竹木石壁書  
詩八村墅人家廳壁上所書文句三百  
餘首及拾得於土地堂壁上書言偈並  
纂集成卷胤棲心佛理幸逢道人乃爲  
讚曰

菩薩遯迹 示同貧士 獨居寒山  
自樂其志 貌悴形枯 布裘弊止  
出言成章 諦實至理 凡人不測

宮內廳書

卷之四

詩

四

時來天台

入國清寺

圖書寮

文庫

徐步長廊

呵呵撫指

或走或立

喃喃獨語

所食厨中

殘飯菜滓

吟偈悲哀

僧俗咄捶

都不動搖

時人自耻

作用自在

凡愚難值

即出一言

頓祛塵累

是故國清

圖寫儀軌

永劫供養

長爲弟子

昔居寒山

時來茲地

稽首文殊

寒山之士

南無普賢

拾得定是

聊申讚歎

願超生死



朱晦庵與南老帖

五月十三日走悚息啓上久不同  
動靜又玉持辱

惠書換審以自

任以安隱為至



天合之勝風所預游法歲僅自一

造山下而方有此事不能登覽  
每以為恨今又聞

故人挂錫其間想見

以佳生既不離如聲以色中

尤以不月佳自出果為念也

新訪見寄第幾起轉又北佳時



所見以此但

稱故之過不放過耳

二刻之法化也但後乃奇市以不  
免去故未可

寒心子詩錄少者好本名口如未  
有能為雅核刊刻今字畫之稍大

原於觀覽上佳也

字畫之精旬既集集多而尤為  
厚云何自中集集如去廿冊  
并雅碑刻及唐詩三冊漫附  
四便章

觀玉如金中星無由



吾而暇幸馳情千載

自愛不空 志懷息一上

國清南公祥沙方丈

圭再啟

清衆名安法兄等時同黃楮改

三山之時以書也 出師表未暇

寫佳寫日特寄去未暇也 寒山

詩刻成幸

早見寄有便以時玉照安趙昂

推雁化其身後必無不達渠黃

山人也

圭再啟



陸放翁與明老帖

有人兮山陲中卷  
兮霞綢繡秉芳兮  
孤寄路漫兮程  
征心惆悵兮振乾  
毫獨立兮忠貞  
此集山子不此持  
為如人如在集



中  
妄人竄改附  
益正不可  
書寧  
天封明公  
或刻之山中



# 寒山詩集

豐干拾  
得詩附

重巖我卜居鳥道絕人迹庭際何所  
有白雲抱幽石住茲凡幾年屢見春  
冬易寄語鍾鼎家虛名定無益  
凡讀我詩者心中須護淨慳貪繼日  
廉諂曲登時正驅遣除惡業歸依受  
真性今日得佛身急急如律令

可笑寒山道而無車馬蹤  
谿難記曲疊嶂不知重  
泣露千般草吟風一  
樣松此時迷徑處形問影何從  
欲得安身處寒山可長保  
微風吹幽松近聽聲愈好  
下有斑白人喃喃讀  
黃老十年歸不得忘却來時道  
吾心似秋月碧潭清皎潔  
無物堪以倫教我如何說



山中何太冷自古非今年  
峯嶺恒凝雪幽林每吐煙  
草生芒種後葉落立秋前  
此有沉迷客窺窺不見天

城中娥眉女珠珮珂珊珊  
鸚鵡花前弄琵琶月下彈  
長歌三月響短舞萬人看  
未必長如此芙蓉不耐寒

俊傑馬上郎揮鞭指柳楊  
謂言無死日終不作梯航  
四運花自好一朝成  
委黃醞酬與石蜜至死不能嘗

欲向東巖去于今無量年  
昨來攀葛上半路困風煙  
徑窄衣難進苔粘履  
不前往茲丹桂下且枕白雲眠

巖前獨靜坐圓月當天耀  
萬象影現中一輪本無照  
廓然神自清含虛洞  
玄妙因指見其月月是心樞要

吾家好隱淪居處絕囂塵  
踐草成三



徑瞻雲作四鄰助歌聲有鳥問法語  
無人今日娑婆樹幾年爲一春

琴書湏自隨祿位用何爲投輦從賢  
婦巾車有孝兒風吹曝麥地水溢沃  
魚池常念鷦鷯鳥安身在一枝

弟兄同五郡父子本三州欲驗飛鳥  
集湏旌白兔遊靈瓜夢裏受神橘座  
中收鄉國何迢遞同魚寄水流

一爲書劍客三遇聖明君東守文不  
賞西征武不勲學文兼學武學武兼  
學文今日旣老矣餘生不足云

莊子說送終天地爲棺槨吾歸此有  
時唯湏一幡箔死將餒青蠅吊不勞  
白鶴餓著首陽山生廉死亦樂

人問寒山道寒山路不通夏天冰未  
釋日出霧朦朧似我何由屆與君心



不同君心若似我還得到其中

天生百尺樹剪作長條木可惜棟梁  
材拋之在幽谷年多心尚勁日久皮  
漸禿識者取將來猶堪拄馬屋

驅馬度荒城荒城重客情高低舊雉  
堞大小古墳塋自振孤蓬影長凝拱  
木聲所嗟皆俗骨仙史更無名

鸚鵡宅西國虞羅捕得歸美人朝夕

弄出入在庭幃賜以金籠貯局哉損  
羽衣不如鴻與鵠颺颺入雲飛

玉堂掛珠簾中有嬋娟子其貌勝神  
仙容華若桃李東家春霧合西舍秋  
風起更過三十年還成甘蔗滓

父母續經多田園不羨他婦搖機軋  
軋兒弄口嚙嚙拍手催花舞指頤聽  
鳥歌誰當來歎賀樵客屢經過



家住綠巖下庭蕪更不芟新藤垂繚  
繞古石豎巉巖山菓獼猴摘池魚白  
鷺銜仙書一兩卷樹下讀喃喃

四時無止息年去又年來萬物有代  
謝九天無朽摧東明又西暗花落復  
花開唯有黃泉客冥冥去不迴

歲去換愁年春來物色鮮山花笑綠  
水巖樹舞青煙蜂蝶自云樂禽魚更

三十

五

可憐朋遊情未已徹曉不能眠

手筆太縱橫身材極魁偉生爲有限  
身死作無名鬼自古如此多君今爭  
柰何可來白雲裏教你紫芝歌

粵自居寒山曾經幾萬載任運遯林  
泉棲遲觀自在巖中人不到白雲常  
靉靆細草作卧褥青天爲被蓋快活  
枕石頭天地任變改



有一餐霞子其居諱俗遊論時實蕭  
爽在夏亦如秋幽澗常瀝瀝高松風  
颼颼其中半日坐忘却百年愁

妾家邯鄲住歌聲亦抑揚賴我安隱  
處此曲舊來長旣醉莫言歸留連日  
未央兒家寢宿處繡被滿銀牀

快榜三翼舟善乘千里馬莫能造我  
家謂言最幽野巖穴深嶂中雲雷竟  
日下自非孔丘公無能相救者

智者君拋我愚者我拋君非愚亦非  
智從此繼相聞入夜歌明月侵晨舞  
白雲焉能住口手端坐鬚紛紛

茅棟野人居門前車馬踈林幽偏聚  
鳥谿闊本藏魚山菓携兒摘臯田共  
婦鋤家中何所有唯有一牀書

登陟寒山道寒山路不窮谿長石磊



磊澗闊草濛濛苔滑非關雨松鳴不  
假風誰能超世累共坐白雲中

六極常嬰困九維徒自論有才遺草  
澤無藝閉蓬門日上巖猶暗煙消谷  
尚昏其中長者子箇箇總無裨

白雲高嵯峨綠水蕩潭波此處聞漁  
父時時鼓棹歌聲聲不可聽令我愁  
思多誰謂雀無角其如穿屋何

杳杳寒山道落落冷澗濱啾啾常有  
鳥寂寂更無人淅淅風吹面紛紛雪  
積身朝朝不見日歲歲不知春

少年何所愁愁見鬢毛白白更何所  
愁愁見日逼迫移向東岱居配守北  
邛宅何忍出此言此言傷老客

聞道愁難遣斯言謂不真昨朝始趣  
却今日又纏身月盡愁難盡年新愁



更新誰知席帽下元是昔愁人

兩龜乘犢車驀出路頭戲一蠱從傍  
來苦死欲求寄不載爽人情始載被  
沈累彈指不可論行恩却遭刺

三月蠶猶小女人來採花隈墻弄蛸  
蝶臨水擲蝦蟆羅袖盛梅子金銀挑  
筍芽闢論爭物色此地勝余家

東家一老婆富來三五年昔日貧於

二

八

我今笑我無錢渠笑我在後我笑渠  
在前相笑儻不止東邊復西邊

富兒多鞅掌觸事難祇承倉米已赫  
赤不貸人斗升轉懷鉤距意買絹先  
揀綾若至臨終日吊客有蒼蠅

余曾昔覩聰明士博達英靈無比倫  
一選嘉名喧宇宙五言詩句越諸人  
爲官治化超先輩直爲無能繼後塵



忽然富貴貪財色瓦解冰消不可陳  
白鶴銜苦花千里作一息欲往蓬萊  
山前此充糧食未達毛摧落離群心  
慘惻却歸舊來巢妻子不相識

慣居幽隱處乍向國清中時訪豐干  
老仍來看拾公獨回上寒巖無人話  
空同尋究無源水源窮水不窮

生前太愚癡不爲今日悟今日如許  
貧總是前生做今生又不修來生還

如故兩岸各無船渺渺應難渡

璨璨盧家女舊來名莫愁貪乘摘花  
馬樂撈採蓮舟膝坐綠熊席身披青  
鳳裘哀傷百年內不免歸山丘

氏眼鄒公妻邯鄲杜生母二人同共  
老一種好面首昨日會客場惡衣排  
在後只爲着破裙喫他殘麤粳



獨卧重巖下蒸雲晝不消室中雖暗  
變心裏絕喧囂夢去遊金闕魂歸度  
石橋拋除閑我者歷歷樹間瓢

夫物有所用用之各有宜用之若失  
所一缺復一虧圓鑿而方枘悲哉空  
爾爲驂騑將捕鼠不及跛猫兒

誰家長不死死死事舊來均始憶八尺  
漢儀成一聚塵黃泉無曉日青草有

時春行到傷心處松風愁殺人

駟馬珊瑚鞭驅馳洛陽道自憐美少  
年不信有衰老白髮會應生紅顏豈  
長保但看北邙山箇是蓬萊島

竟日常如醉流年不暫停埋着蓬蒿  
下曉日何冥冥骨肉消散盡魂魄幾  
凋零遮莫齧鐵口無因讀老經  
一向寒山坐淹留三十年昨來訪親



友太半入黃泉漸滅如殘燭長流似  
逝川今朝對孤影不覺淚雙懸  
相喚採芙蓉可憐清江裏遊戲不覺  
暮屢見狂風起浪捧鴛鴦兒波搖鷓  
鴒子此時居舟楫浩蕩情無已  
垂柳暗如煙飛花飄似霰夫居離婦  
川歸住思夫縣各在天一涯何時復  
相見寄語明月樓莫貯雙飛鷺

有酒相招飲有肉相呼喫黃泉前後  
人少壯湏努力玉帶暫時華金釵非  
久飾張翁與鄭婆一去無消息  
可憐好丈夫身體極稜稜春秋未三  
十才藝百般能金鞍逐俠客玉饌集  
良朋唯有一般惡不傳無盡燈  
桃花欲紅夏風月催不待訪覓漢時  
人能無一箇在朝朝花遷落歲歲



移改今日揚塵處昔時爲大海

我見東家女年可十有八西舍競來  
問願姻夫妻估烹羊煮炙衆命聚頭作  
媼殺含笑樂呵呵啼哭受殃決

田舍多桑園牛犢滿廐轍肯信有因  
果頑皮早晚裂眼看消磨盡當頭各  
自活紙袴死作裋到頭凍餓殺

我見百十狗箇箇毛鬚鬚卧者樂自

卧行者樂自行投之一塊骨相與噬  
喋爭良由爲骨少狗多分不平

極目兮長望白雲四茫茫鴟鴞飽腥  
腰鸞鳳飢徬徨駿馬放石磧蹇驢能  
至堂天高不可問鷦鷯在滄浪

洛陽多女兒春日逞華麗共折路邊  
花各持挿高髻髻高花匿匿人見皆  
睥睨別求醪醪憐將歸見夫婿



春共銜容儀相將南陌陞看花愁日  
晚隱樹怕風吹年少從傍來白馬黃  
金鞍何須久相弄兒家夫婿知

群女戲夕陽風來滿路香綴裙金蛺  
蝶挿髻玉鴛鴦角婢紅羅幘闍奴紫  
錦裳爲觀失道者鬢白心惶惶

若人逢鬼魅第一莫驚懼捺硬莫采  
渠呼名自當去燒香請佛力禮拜求  
僧助蚊子叮鐵牛無渠下嘴處

浩浩黃河水東流長不息悠悠不見  
清人人壽有極苟欲乘白雲曷由生  
羽翼唯當鬚鬢時行住須努力

乘茲朽木船採彼絰婆子行至大海  
中波濤復不止唯齋一宿糧去岸三  
千里煩惱從何生愁哉緣苦起

默默永無言後生何所述隱居在林



數智境何由出枯槁非堅衛風霜成  
夭疾土牛耕石田未有得稻日

山客心悄悄常嗟歲序遷辛勤采芝  
木搜斤詎成仙庭廓雲初卷林明月  
正圓不歸何所爲桂樹相留連

有人坐山陁雲卷兮霞瓔秉芳兮欲  
寄路漫兮難征心惆悵狐疑年老已  
無成衆喔咿斯蹇獨立兮忠貞

古詩

古詩

猪喫死人肉人喫死猪腸猪不嫌人  
臭人返道猪香猪死拋水內人死掘  
地藏彼此莫相喫蓮花生沸湯

快哉混沌身不飯復不尿遭得誰鑽  
鑿因茲立九竅朝朝爲衣食歲歲愁  
租調千箇爭一錢聚頭亡命叫

啼哭緣何事淚如珠子顆應當有別  
離復是遭喪禍所爲在貧窮未能了

因果塚間瞻死屍六道不欣我  
婦女慵經織男夫懶耨田輕浮耽挾  
彈趾躑跼拈抹絃凍骨衣應急充腸食  
在先今誰念於汝苦痛哭蒼天  
不行真正道隨邪號行婆口慙神佛  
少心懷嫉妬多背後噉魚肉人前念  
佛陀如此修身處應難避奈何  
世有一等愚茫茫恰似驢還解人言

語貪媼狀若猪險歌難可測實語却  
成虛誰能共伊語令教莫此居

有漢姓傲慢名貪字不廉一身無所  
解百事被他嫌死惡黃連苦生憐白  
蜜甜喫魚猶未止食肉更無厭

卜擇幽居地天台更莫言猿啼谿霧  
冷嶽色草門連竹葉覆松室開池引  
澗泉已甘休萬事採薇度殘年



益者益其精可名爲有益易者易其  
形是名爲有易能益復能易當得上  
仙籍無益復無易終不免死厄

徒勞說三史浪自看五經泊老檢黃  
籍依前注白丁筮遭連蹇卦生主虛  
危星不及河邊樹年年一度青

碧澗泉水清寒山月華白默知神自  
明觀空境逾寂

天

我今有一襦非羅復非綺借問作何  
色不紅亦不紫夏天將作衫冬天將  
作被冬夏遞互用長年只者是

白拂旃檀柄馨香竟日聞柔和如卷  
霧搖曳似行雲禮奉宜當暑高提復  
祛塵時時方丈內將用指迷人

貪愛有人求快活不知禍在百年身  
但看陽燄浮漚水便覺無常敗壞人

丈夫志氣直如鐵無曲心中道自真  
行密節高霜下竹方知不枉用心神  
多少般數人百計求名利心貪覓榮  
華經營圖富貴心未片時歇奔突如  
煙氣家眷實團圓一呼百諾至不過  
七十年冰消瓦解置死了萬事休誰  
人承後嗣水浸泥彈丸方知無意智  
貪人好聚財恰如梟愛子子大而食

母財多還害己散之即福生聚之即  
禍起無財亦無禍鼓翼青雲裏

去家一萬里提劍擊匈奴得利渠即  
死失利汝即殂渠命既不惜汝命有  
何辜教汝百勝術不貪爲上謨

瞋是心中火能燒功德林欲行菩薩  
道忍辱護真心

汝謂埋頭癡兀兀愛向無明羅剎窟



再三勸你早修行是你頑癡心恍惚  
不肯信受寒山語轉轉倍加業汨汨  
直待斬首作兩段方知自身奴賊物  
惡趣甚茫茫冥冥無日光人間八百  
歲未抵半宵長此等諸癡子論情甚  
可傷勸君求出離認取法中王

天高高不窮地厚厚無極動物在其  
中憑茲造化力爭頭覓飽暖作計相  
噉食因果都未詳盲兒問乳色

天下幾種人論時色數有賈婆如許  
夫黃老元無婦衛氏兒可憐鍾家女  
極醜渠若向西行我便東邊走

賢士不貪婪癡人好鑪冶麥地占他  
家竹園皆我者努膊覓錢財切齒驅  
奴馬湏看郭門外壘壘松栢下  
噴噴買魚肉擔歸餒妻子何湏殺他

命將來活汝已此非天堂緣純是地獄滓徐六語破堆始知沒道理

有人把椿樹喚作白旃檀學道多沙數幾箇得泥丸棄金却擔草謾他亦自謾似聚沙一處成團也大難

蒸沙擬作飯臨渴始掘井用力磨碌乾那堪將作鏡佛說元平等總有真如性但自審思量不用閑爭競

推尋世間事子細總要知凡事莫容易盡愛討便宜護即弊成好毀即是成非故知雜濫口背面總由伊冷暖我自量不信奴唇皮

蹭蹬諸貧士飢寒成至極閑居好作詩札札用心力賤人言孰采勸君休歎息題安餬餅上乞狗也不喫欲識生死譬且將冰水比水結即成



冰冰消返成水已死必應生出生還  
復死冰水不相傷生死還雙美

尋思少年日遊獵向平陵國使職非  
願神仙未足稱聯翩騎白馬喝兔放  
蒼鷹不覺大流落皤皤誰見矜

偃息深林下從生是農夫立身既質  
直出語無諂諛保我不墜壁信君方  
得珠焉能同汎灩極目波上鳬

三

十

不須攻人惡不須伐己善行之則可  
行卷之則可卷祿厚憂責大言深慮  
交淺聞茲若念茲小兒當自見

富兒會高堂華燈何燁煌此時無燭  
者心願處其傍不意遭排遣還歸暗  
處藏益人明詎損頓訝惜餘光

世有聰明士救苦探幽文三端自孤  
立六藝越諸君神氣卓然異精彩超

衆群不識箇中意逐境亂紛紛

層層山水秀煙霞鎖翠微嵐拂紗巾  
濕露霑蓑草衣足躡遊方復手執古  
藤杖更觀塵世外夢境復何爲

滿卷才子詩溢壺聖人酒行愛觀牛  
犢坐不離左右霜露入茅簷月華明  
爇牖此時吸兩甌吟詩三兩首

施家有兩兒以藝干齊楚文武各自

三十二

王

備託身爲得所孟公問其術我子親  
教汝秦衛兩不成失時成齟齬

止宿鴛鴦鳥一雄兼一雌銜花相共  
食刷羽每相隨戲入煙霄裏宿歸沙  
岸湄自憐生處樂不奪鳳凰池

或有銜行人才藝過周孔見罷頭兀  
兀看時身侗侗繩牽未肯行錐刺猶  
不動恰似羊公鶴可憐生懂懵



少小帶經鋤本將兄共居緣遭他輩  
責剩被自妻踈拋絕紅塵境常遊好  
閱書誰惜一斗水活取轍中魚

變化計無窮生死竟不止三途鳥雀  
身五嶽龍魚已世濁作親羈時清爲  
駉駉前迴是富兒今度成貧士

書判全非弱嫌身不得官銓曹被拘  
折洗垢覓瘡癥必也關天命今年更

試看盲兒射雀目偶中亦非難

貧驢欠一尺富狗剩三寸若分貧不  
平中半富與困始取驢飽足却令狗  
飢頓爲汝熟思量令我也愁悶

柳郎八十二藍嫂一十八夫妻共百  
年相憐情狡猾弄璋字烏鵲擲瓦名  
娼媼屢見枯楊萸常遭青女殺

赫赫誰壚肆其酒甚濃厚可憐高燭

幟極目平升斗何意訝不售其家多  
猛狗童子若來沾狗齧便是走  
吁嗟濁濫處羅刹共賢人謂是荒流  
類焉知道不親狐假獅子勢詐妄却  
稱真鈆礦入鑪冶方知金不精

田家避暑月斗酒共誰歡雜雜排山  
果踈踈圍酒罇蘆苜將代席蕉葉且  
充盤醉後揩頤坐須彌小彈丸

箇是何措大時來省南院年可三十  
餘曾經四五選囊裏無青蚨篋中有  
黃卷行到食店前不敢暫迴面

大有飢寒客生將獸魚誅長存廟石  
下時笑路邊隅累日空思飯終冬不  
識襦唯齋一束草并帶五升麴

浪造凌霄閣虛登百尺樓養生仍天  
命誘讀詎封侯不用從黃口何須厭



白頭未能端似箭且莫曲如鉤  
雲山疊疊連天碧路僻林深無客遊  
遠望孤蟾明皎皎近聞群鳥語啾啾  
老夫獨坐棲青嶂少室閑居任白頭  
可歎往年與今日無心還似水東流  
富貴踈親聚只爲多錢米貧賤骨肉  
離非關少兄弟急湏歸去來招賢閣  
未啓浪行朱雀街踏破皮鞋底

我見一癡漢仍居三兩婦養得八九  
兒總是隨宜手丁戶是新差資財非  
舊有黃蘗作驢鞦始知苦在後

新穀尚未熟舊穀今已無就貸一斗  
許門外立踟躕夫出教問婦婦出遣  
問夫慳惜不救乏財多爲累愚

大有好笑事略陳三五箇張公富奢  
華孟子貧軼軻只取侏儒飽不憐方

朔餓巴歌唱者多白雪無人和

老翁娶少婦髮白婦不耐老婆嫁少夫面黃夫不愛老翁娶老婆一一無棄背少婦嫁少夫兩兩相憐態

雍容美少年博覽諸經史盡號曰先生皆稱爲學士未能得官職不解秉耒耜冬披破布衫蓋是書誤已

可笑五陰窟四蛇同苦居黑暗無明

五

燭三毒遮相驅伴黨六箇賊劫掠法財珠斬却魔軍輩安泰湛如蘇

盡棟非吾宅青林是我家一生俄爾過萬事莫言賒濟渡不造筏漂淪爲採花善根今未種何日見生芽

出生三十年常遊千萬里行江青草合入塞紅塵起鍊藥空求仙讀書兼詠史今日歸寒山枕流兼洗耳



世有多事人廣學諸知見不識本真  
性與道轉懸遠若能明實相豈用陳  
虛願一念了自心開佛之知見

鳥弄情不堪其時卧草庵櫻桃向杏  
杏楊柳正毵毵旭日御青嶂晴雲洗  
綠潭誰知出塵俗馭上寒山南

昨日何悠悠場中可憐許上爲桃李  
徑下作蘭蓀渚復有綺羅人舍中翠

二六

二六

毛羽相逢欲相喚脉脉不能語

丈夫莫守困無錢湏經紀養得一牒  
牛生得五犢子犢子又生兒積數無  
窮已寄語陶朱公富與君相似

子之何遑遑卜居湏自審南方瘴癘  
多北地風霜甚荒陬不可居毒川難  
可飲魂兮歸去來食我家園甚  
昨夜夢還鄉見婦機中織  
馬按若有

思擎梭似無力呼之迴面視況復不相識應是別多年鬢毛非舊色

人生不滿百常懷千載憂自身病始可又爲子孫愁下視禾根下上看桑樹頭秤槌落東海到底始知休

世有一等流悠悠似木頭出語無知解云我百不憂問道道不會問佛佛不求子細推尋着茫然一場愁

董郎年少時出入帝京裏衫作嫩鵝黃容儀盡相似常騎踏雪馬拂拂紅塵起觀者滿路傍箇是誰家子

箇是誰家子爲人大被憎癡心常憤憤肉眼醉瞢瞢見佛不禮佛逢僧不施僧唯知打大齋除此百無能

人以身爲本本以心爲柄本在心莫邪心邪喪本命未能免此殃何言懶



照鏡不念金剛經却令菩薩病

城北仲家翁渠家多酒肉仲翁婦死  
時吊客滿堂屋仲翁自身亡能無一  
人哭喫他盃齋者何太冷心腹

下愚讀我詩不解却嗤謂中庸讀我  
詩思量云甚要上賢讀我詩把著滿  
面笑揚脩見幼婦一覽便知妙

自有慳惜人我非慳惜輩衣單爲舞

三八

穿酒盡緣歌啐常取一腹飽莫令兩  
脚僵蓬蒿鎖髑髏此日君應悔

我行經古墳淚盡嗟存歿塚破壓黃  
腸棺穿露白骨欹斜有瓮瓶擡撥無  
簪笏風至攬其中灰塵亂埽埽

夕陽下西山草木光曄曄復有朦朧  
處松蘿相連接此中多伏虎見我奮  
迅鬣手中無寸刃爭不懼懾懾

出身既擾擾世事非一狀未能捨流俗所以相追訪昨吊徐五死今送劉三葬日日不得閑爲此心悽愴

有樂且湏樂時哉不可失雖云一百年豈滿三萬日寄世是湏臾論錢莫啾唧孝經末後篇委曲陳情畢

獨坐常忽忽情懷何悠悠山腰雲漫漫谷口風颼颼猿來樹嫋嫋鳥入林

啾啾時催鬢颼颼歲盡老惆惆

一人好頭肚六藝盡皆通南見趨向北西見趨向東長漂如汎萍不息似飛蓬問是何等色姓貧名曰空

他賢君即受不賢君莫與君賢他見容不賢他亦拒憐善矜不能仁徒方得所勸逐子張言拋却卜商語

俗薄真成薄人心箇不同殷翁笑柳



老柳老笑殷翁何故兩相笑俱行諠  
談中裝車競喘噪翻載各瀧凍

是我有錢日恒爲汝貸將汝今旣飽  
暖見我不分張須憶汝欲得似我今  
承望有無更代事勸汝熟思量

人生一百年佛說十二部慈悲如野  
鹿瞋怒似家狗家狗趕不去野鹿常  
好走欲伏獼猴心須聽獅子吼

教汝數般事思量知我賢極貧忍賣  
屋纔富須買田空腹不得走枕頭須  
莫眠此言期共見掛在日東邊

寒山多幽竒登者皆恒懾月照水澄  
澄風吹草獵獵凋梅雪作花杌木雲  
充葉觸雨轉鮮靈非晴不可涉

有樹先林生計年逾一倍根遭陵谷  
變葉被風霜改咸笑外凋零不憐肉

文彩皮膚脫落盡唯有真實在

寒山有髑蟲身白而頭黑手把兩卷  
書一道將一德住不安金甌行不齊  
衣械常持智慧劍擬破煩惱賊  
有人畏白首不肯捨朱紱採藥空求  
仙根苗亂挑掘數年無效驗癡意瞋  
怫鬱獵師披袈裟元非汝使物

昔時可可貧今日最貧凍作事不諧

和觸途成空惚行泥屢脚屈坐社頻  
腹痛失却斑猫兒老鼠圍飯瓮

可貴天然物獨立無伴侶覓他不可  
見出入無門戶促之在方寸延之一  
切處你若不信受相逢不相遇

余家有一窟窟中無一物淨潔空堂  
堂光華明日日蔬食養微軀布裘遮  
幻質任你千聖現我有云真佛



男兒大丈夫作事莫莽鹵勁挺鐵石  
心直取菩提路邪路不用行行之枉  
辛苦不要求佛果識取心王主

閑自訪高僧煙山萬萬層師親指歸  
路月掛一輪燈

閑遊華頂上天朗晝光輝四顧晴空  
裏白雲同鶴飛

寒山有一宅宅中無欄隔六門左右

通堂中見天碧房房虛索索東壁打  
西壁其中一物無免被人來借寒到  
燒軟火飢來煮菜喫不學田舍翁廣  
置田莊宅盡作地獄業一入何曾極  
好好善思量思量知軌則

儂家暫下山入到城隍裏逢見一群  
女端正容兒美頭戴蜀樣花燕脂塗  
粉膩金釧鏤銀朶羅衣鮮紅紫朱顏

類神仙香帶氛氲氣時人皆顧盼癡  
愛染心意謂言世無雙魂影隨他去  
狗齧枯骨頭虛自舐唇齒不解返思  
量與畜何曾異今成白髮婆老陋若  
精魅無始由狗心不超解脫地  
一自遯寒山養命餐山菓平生何所  
憂此世隨緣過日月如逝川光陰石  
中火任你天地移我暢巖中坐

我兄世間人茫茫走路塵不知此中  
事將何爲去津榮華能幾日眷屬片  
時親縱有千斤金不如林下貧

自聞梁朝日四依諸賢士寶誌萬迴  
師四仙傳大士顯揚一代教作持如  
來使建造僧伽藍信心歸佛理雖乃  
得如斯有爲多患累與道殊懸遠拚  
西補東爾不達無爲功損多益少矣



有聲而無形至今何處是

吁嗟貧復病爲人絕友親  
窶裏長無飯甑中屢生塵  
蓬庵不免雨漏損劣容身  
莫怪今顛顛多愁定損人

養女畏太多已生湏訓誘  
捺頭遣小心鞭背令緘口  
未解乘機杼那堪事箕箒  
張婆語驢駒汝大不知母

秉志不可卷湏知我匪席  
浪造山林中獨卧盤陀石  
辯士來勸余速令受金壁  
鑿牆植蓬蒿若此非有益

以我棲遲處幽深難可論  
無風蘿自動不霧竹長昏  
澗水緣誰咽山雲忽白屯  
午時庵內坐始覺日頭暎

憶昔過逢處人間逐勝遊  
樂山登萬仞愛水汎千舟  
送客琵琶谷携琴鸚鵡洲  
焉知松樹下抱膝冷飈飈

報汝修道者進求虛勞神人有精靈  
物無字復無文呼時歷歷應隱處不  
居存叮嚀善保護勿令有點痕  
去年春鳥鳴此時思弟兄今年秋菊  
爛此時思發生綠水千場咽黃雲四  
面平哀哉百年內腸斷憶咸京  
負少天台人不識寒山子莫知真意  
度喚作閑言語

一往寒山萬事休更無雜念掛心頭  
閑於石壁題詩句任運還同不繫舟  
可惜百年屋左倒右復傾牆壁分散  
盡木植亂差橫輒瓦片片落朽爛不  
堪停任風吹鷲塌再豎卒難成  
精神殊爽爽形貌極堂堂能射穿七  
札讀書覽五行經眠虎頭枕昔坐象  
牙牀若無阿堵物不啻冷如霜



笑我田舍兒頭顙底熱紮濕巾子未曾  
高腰帶長時急非是不及時無錢趁  
不及一日有錢財浮圖頂上立

買肉血湑湑買魚跳鱖鱖君身招罪  
累妻子成快活捷死渠家去他人誰  
敢遏一朝如破牀兩箇當頭脫

千生萬死何時已生死來去轉迷情  
不識心中無價寶恰似盲驢信脚行

心神用盡爲名利百種貪婪進己軀  
浮生幻化如燈燼塚內埋身是有無  
世間何事最堪嗟盡是三途造罪祖  
不學白雲巖下客一條寒衲是生涯  
秋到任他林葉落春來從你樹開花  
三界橫眠無一事明月清風是我家  
客歎寒山子君詩無道理吾觀乎古  
人貧賤不爲耻應之笑此言談何踈

閱矣願君似今日錢是急事爾  
從生不往來至死無仁義言既有枝  
葉心懷便諛諛若其開小道緣此生  
大偽詐說造雲梯削之成棘刺  
一瓶鑄金成一瓶埏泥出二瓶任君  
看那箇瓶牢實欲知瓶有二須知業  
非一將此驗生因修行在今日

丹丘迥聳與雲齊空裏五峯遙望低  
鴈塔高排出青嶂禪林古殿入虹蜺  
風搖松葉赤城秀霧吐中巖仙路迷  
碧落千山萬仞見藤蘿相接次連谿  
余見僧繇性希奇巧妙間生梁朝時  
饒邈虛空寫塵跡無因盡得誌公師  
久住寒山凡幾秋獨吟歌曲絕無憂  
飢餐一粒伽陀藥心地調和倚石頭  
衆星羅列夜深明巖點孤燈月未沉



圓滿光華不磨瑩掛在青天是我心  
老病殘年百有餘面黃頭白好山居  
布裘擁質隨緣過豈羨人間巧樣模  
摧殘荒草廬其中煙火蔚借問群小  
兒生來凡幾日門外有三車迎之不  
肯出飽食腹膨脝箇是癡頑物

有身與無身是我復非我如此審思  
量遷延倚巖坐足間青草生頂上紅  
塵墮已見俗中人靈牀施酒菓

昨見河邊樹摧殘不可論二三餘蘂  
卉千萬斧刀痕霜剥萎黃葉波衝枯  
朽根生處當如此何用怨乾坤

千年石上古人蹤萬丈巖前一點空  
明月照時常皎潔不勞尋討問西東  
憐底衆生病餐嘗略不厭蒸豚搗蒜  
醬炙鴨點椒鹽去骨鮮魚膾兼皮熟

肉臉不知他命苦只取自家甜

讀書豈免死讀書豈免貧何似好識  
字識字勝他人丈夫不識字無處可  
安身黃連搯蒜醬忘計是苦辛

我見謾人漢如籃盛水走一氣將歸  
家籃裏何曾有我見被人謾一似園  
中韭日日被人傷天生還自有

寒山頂上月輪孤照見晴空一物無

二十

五

可貴天然無價寶埋在五陰溺身軀  
我向前谿照碧流或向巖邊坐磐石  
心似孤雲無所依悠悠世事何須覓  
我家本住在寒山石巖棲息離煩緣  
泯時萬象無痕跡舒處周流徧大千  
光影騰輝照心地無有一法當現前  
方知摩尼一顆珠解用無方處處圓  
世人何事可吁嗟苦樂交煎勿底涯



生死往來多少劫東西南北是誰家  
張王李趙權時姓六道三途事似麻  
只爲主人不了絕遂招遷謝逐迷邪  
余家本住在天台雲路煙深絕客來  
千仞巖巒深可懸萬重谿澗石樓臺  
樺巾木屐泐流步布裘藜杖繞山迴  
自覺浮生幻化事逍遙快樂實奇哉  
不見朝垂露日燦自消除人身亦如  
此閻浮是寄居慎莫因循過且令三  
毒祛菩提即煩惱盡令無有餘  
水清澄澄瑩徹底自然見心中無一  
事萬境不能轉心既不妄起永劫無  
改變若能如是知是知無背面  
說食終不飽說衣不免寒飽喫須是  
飯着衣方免寒不解審思量只道求  
佛難廻心卽是佛莫向外頭看

可畏輪迴苦徃復似翻塵蟻巡環未  
息六道亂紛紛改頭換面孔不離舊  
時人速了黑暗獄無令心性昏

可畏三界輪念念未曾息纔始似出  
頭又却遭沉溺假使非非想蓋緣多  
福力爭似識真源一得即永得

昨日遊峯頂下窺千尺崖臨危一株  
樹風擺兩枝開雨漂即零落日曬作

塵埃嗟見此茂秀今爲一聚灰

自古多少聖叮嚀教自信人根性不  
等高下有利鈍真佛不肯認置力枉  
受困不知清淨心便是法王印

我聞天台山山中有琪樹永言欲攀  
上莫繞石橋路緣此生悲歎幸居將  
已慕今日觀鏡中颯颯鬢垂素

卷子不經師不及都亭鼠何曾見好



人豈聞長者語爲染在薰蕕應須擇  
朋侶五月販鮮魚莫教人笑汝  
徒閉蓬門坐頻經歲月遷唯聞人作  
鬼不見鶴成仙念此那堪說隨緣須  
自憐迴瞻郊郭外古墓犁爲田

時人見寒山各謂是風顛貌不起人  
目身唯布裘纏我語他不曾他語我  
不言爲報往來者可來向寒山

自在白雲閑從來非買山下危湏策  
杖上險扞藤攀澗邊松常翠谿邊石  
自斑友朋雖阻絕春至鳥關關

我在村中住衆推無比方昨日到城  
下仍被狗形相或嫌袴太窄或說衫  
少長撐却鷄子眼雀兒舞堂堂

死生元有命富貴本由天此是古人  
語吾今非謬傳聰明好短命癡騃却

長年鈍物豐財寶惺惺漢無錢

國以人爲本猶如樹因地地厚樹扶  
踈地薄樹顛顛不得露其根枝枯子  
先墜決陂以取魚是求一期利

衆生不可說何意許顛邪面上兩惡  
鳥心中三毒蛇是渠作障礙使你事  
煩拏高舉手彈指南無佛陀耶

自樂平生道煙蘿石洞間野情多放

三

四

三

曠長伴白雲閑有路不通世無心孰  
可攀石牀孤夜坐圓月上寒山

大海水無邊魚龍萬萬千遞互相食  
嗽冗冗癡肉團爲心不了絕妄想起  
如煙性月澄澄卽廓爾照無邊

自見天台頂孤高出衆群風搖松竹  
韻月現海潮頻下望山青際談玄有  
白雲野情便山水本志慕道倫



三五癡後生作事不真實未讀十卷  
書強把雌黃筆將他儒行篇喚作賊  
盜律脫體似蟬蟲齧破他書帙

心高如山嶽人我不伏人解講圓陀  
典能談三教文心中無慚愧破戒違  
律文自言上人法稱爲第一人愚者  
皆讚歎智者撫掌笑陽談虛空花豈  
得免三和生老不如百不解靜坐絕憂惱

如許多寶貝海中乘壞舸前頭失却  
拖後面又無拖宛轉任風吹高低隨  
浪簸如何得到岸努力莫端坐

我見凡愚人多畜資財穀飲酒食生  
命謂言我富足莫知地獄深唯求上  
天福罪業如毗富豈得免災毒財主  
忽然死爭共當頭哭供僧讀疏文空  
是鬼神祿福田一箇無虛設一群禿

不如早覺悟莫作黑暗獄狂風不動  
樹心真無罪福寄語兀兀人叮嚀再  
三讀

勸你三界子莫作勿道理理短被他  
欺理長不奈你世間濁濫人恰似黍  
粘子不見無事人獨脫無能比早湏  
返本源三界任緣起清淨入如流莫  
飲無明水三界人蠢蠢六道人茫茫  
貪財愛滯欲心惡若豺狼地獄如箭  
射極苦若爲當兀兀過朝夕都不別  
賢良好惡總不識猶如猪及羊共語  
如木石嫉妬似顛狂不自見已過如  
猪在圈卧不知自償債却笑牛牽磨  
人生在塵蒙恰似盆中蟲終日行遶  
遶不離其盆中神仙不可比煩惱計  
無窮歲月如流水湏臾作老翁



寒山引此語復似顛狂漢有事對面  
說所以是人怨心直出語直直心無  
背面臨死渡索河誰是嘸囉漢冥冥  
泉臺路被業相拘絆

寄語諸仁者復以何爲懷達道見自  
性自性即如來天真元具足修證轉  
差廻棄本却逐末只守一場歎

世有一般人不惡又不善不識主人  
翁隨客處處轉因循過時光渾是癡  
肉齷雖有一靈臺如同客作漢

常聞釋迦佛先受然燈記然燈與釋  
迦只論前後智前後體非殊異中無  
有異一佛一切佛心是如來地

常聞國大臣朱紫簪纓祿富貴百千  
般貪榮不知辱奴馬蒲宅舍金銀盈  
帑屋癡福暫時扶埋頭作地獄忽死

萬事休男女當頭哭不知有禍殃前  
路何疾速家破冷飈飈食無一粒粟  
凍餓苦悽悽良由不覺觸

上人心猛利一聞便知妙中流心清  
淨審思云甚要下士鈍暗癡頑皮最  
難裂直得血淋頭始知自摧滅看取  
開眼賊鬧市集人決死屍棄如塵此  
時向誰說男兒大丈夫一刀兩段截

人面禽獸心造作何時歇

我有六兄弟就中一箇惡打伊又不  
得罵伊又不着處處無奈何耽財好  
淫殺見好埋頭愛貪心過羅刹阿爺  
惡見伊阿孃嫌不悅昨被我捉得惡  
罵恣情掣趨向無人處一一向伊說  
汝今湏改行覆車湏改轍若也不信  
受共汝惡合殺汝受我調伏我共汝



覓活從此盡和同如今過菩薩學業  
攻鑪冶鍊盡三山鐵至今靜恬恬衆  
人皆讚說

我見世間人堂堂好儀相不報父母  
恩方寸底模樣欠負他人錢蹄穿始  
惆悵箇箇惜妻兒爺孃不供養兄弟  
似冤家心中常悵悵憶昔少年時求  
神願成長今爲不孝子世間多此樣

哭

買肉自家噉抹嘴道我暢自逞說嘍  
囉聰明無益當牛頭努目嗔始覺時  
已鄉擇佛燒好香揀僧歸供養羅漢  
門前乞趂却閑和尚不悟無爲人從  
來無相狀封疏請名僧贖錢兩三樣  
雲光好法師安角在頭上汝無平等  
心聖賢俱不降凡聖皆混然勸君休  
取相

有鳥五色文棲桐食竹實徐動合和  
儀鳴中施禮律昨來何以至爲吾暫  
時出儻聞絃歌聲作舞欣今日

昔日極貧苦夜夜數他寶今日審思  
量自家須營造掘得一寶藏純是水  
精珠大有碧眼胡密擬買將去余即  
報渠言此珠無價數

一生慵懶作憎重只便輕他家學事

十四

咒

業余持一卷經無心裝標軸來去省  
人擎應病則說藥方便度衆生但自  
心無事何處不惺惺

我見出家人不入出家學欲知真出  
家心淨無繩索澄澄絕玄妙如如無  
倚託三界任縱橫四生不可泊無爲  
無事人逍遙實快樂

昨到雲霞觀忽見仙尊士星冠月帔



橫盡云居山水余問神仙術云道若  
爲比謂言靈無上妙藥心神秘守死  
待鶴來皆道乘魚去余乃返窮之推  
尋勿道理但看箭射空湏臾還墜地  
饒你得仙人恰似守屍鬼心月自精  
明萬象何能比欲知仙丹術身內元  
神是莫學黃巾公握愚自守擬

余鄉有一宅其宅無正主地生一寸

草水垂一滴露火燒六箇賊風吹黑

雲雨子細尋本人布裹真珠爾

傳語諸公子聽說石齊奴僮僕八百  
人水碓三十區舍下養魚鳥樓上吹  
笙竽伸頭臨白刃癡心爲綠珠

何以長惆悵人生似朝菌那堪數十  
年新舊凋零盡以此思自哀哀情不  
可忍柰何當柰何脫體歸山隱

縑縷關前業莫訶今日身若言由冢  
宅箇是極癡人到頭君作鬼豈令男  
女貧皎然易解事作麼無精神

我見黃河水凡經幾度清水流如急  
箭人世若浮萍癡屬根本業無明煩  
惱坑輪迴幾許劫只爲造迷盲

二儀旣開闢人乃居其中迷汝即吐  
霧醒汝即吹風惜汝即富貴奪汝即

貧窮碌碌群漢子萬事由天公

余勸諸稚子急離火宅中三車在門  
外載你免飄蓬露地四衢坐當天萬  
事空十方無上下來往任西東若得  
箇中意縱橫處處通

可歎浮生人悠悠何日了朝朝無閑  
時年年不覺老總爲求衣食令心生  
煩惱擾擾百千年去來三惡道



時人尋雲路雲路杳無蹤山高多峻  
峻澗闊少玲瓏碧嶂前兼後白雲西  
復東欲知雲路處雲路在虛空

寒山棲隱處絕得雜人過時逢林內  
鳥相共唱山歌瑞草聯谿谷老松枕  
嵯峨可觀無事客憇歇在巖阿

五嶽俱成粉湏彌一寸山大海一滴  
水吸入其心田生長菩提子徧蓋天

中天語汝慕道者慎莫繞十纏

無衣自訪覓莫共狐謀裘無食自採  
取莫共羊謀羞借皮兼借肉懷歎復  
懷愁皆緣義失所衣食常不周

自羨山間樂逍遙無倚托逐日養殘  
軀閑思無所作時披古佛書徃徃登  
石閣下窺千尺崖上有雲盤礴寒月  
冷颼颼身似孤飛鶴

我見轉輪王千子常圍繞十善化四天莊嚴多七寶七寶鎮隨身莊嚴甚妙好一朝福報盡猶若棲蘆鳥還作牛領蟲六趣受業道况復諸凡夫無常豈長保生死如旋火輪迴似麻稻不解早覺悟爲人枉虛老

平野水寬闊丹丘連四明仙都最高秀群峰聳翠屏遠遠望何極砢砢勢

相迎獨標海隅外處處播嘉名

我見世間人生而還復死昨朝猶二八壯氣習襟士如今七十過力困形顛顚恰似春日花朝開夜落爾

迥聳霄漢外雲裏路峩嶢瀑布千丈流如鋪練一條下有棲心窟橫安定命橋雄雄鎮世界天台名獨超盤陀石上坐谿澗冷淒淒靜翫偏嘉



麗虛巖蒙霧迷怡然憇歇麴日斜樹  
影低我白觀心地蓮花出淤泥

隱士遁人間多向山中眠青蘿踈麓  
麓碧澗響聯聯騰騰且安樂悠悠自  
清閑免有染世事心淨如白蓮

寄語食肉漢食時無逗遛今生過去  
種未來今日修只取今日美不畏來  
生憂老鼠入飯瓮雖飽難出頭

山

五言

自從出家後漸得養生趣伸縮四肢  
全勤聽六根具褐衣隨春冬糲食供  
朝暮今日懇懇修願與佛相遇

五言五百篇七字七十九三字二十  
一都來六百首一例書巖石自誇云  
好手若能會我詩真是如來母

世事何悠悠貪生未肯休研盡大地  
石何時得歇頭四時凋變易八節急

如流爲報火宅主露地騎白牛  
常聞漢武帝爰及秦始皇俱好神仙  
術延年竟不長金臺旣摧折沙石遂  
滅亡茂陵與驪嶽今日草茫茫

憶得二十年徐步國清歸國清寺中  
人盡道寒山癡癡人何用疑疑不解  
尋思我尚自不識是伊爭得知低頭  
不用問問得復何爲有人來罵我分

明了了知雖然不應對却是得便且  
語你出家輩何名爲出家奢華求養  
活繼綴族姓家美舌甜唇黷曲心  
鈎加終日禮道場持經置功課鑪燒  
神佛香打鍾高聲和六時學客春夜  
夜不得卧只爲愛錢財心中不脫灑  
見他高道人却嫌誹謗罵驢屎比麝  
香苦哉佛陀耶又見出家兒有力及



無力上上高節者鬼神欽道德君王  
分輦坐諸侯拜迎逆堪爲世福田世  
人須保惜下下低愚者詐現多求覓  
濁濫即可知愚癡愛財色着却福田  
衣種田討衣食作債稅牛犁爲事不  
忠直朝朝行弊惡徃徃痛臀脊不解  
善思量地獄苦無極一朝着病纏三  
年卧牀席亦有真佛性翻作無明賊

南無佛陀耶遠遠求彌勒

寒巖深更好無人行此道白雲高岫  
閑青嶂孤猿嘯我更何所親暢志自  
宜老形容寒暑遷心珠甚可保

本志慕道倫道倫常獲親時逢社源  
客每接話禪賓談玄月明夜探理日  
臨晨萬機俱泯迹方識本來人

元非隱逸士自號山林人仕魯蒙憤

帛且愛褰疎巾道有巢許操耻爲堯  
舜臣獼猴舉帽子學人避風塵

自古諸哲人不見有長存生而還復  
死盡變作灰塵積骨如毗富別淚成  
海津唯有空名在豈免生死輪

今日巖前坐坐久煙雲收一道清谿  
冷千尋碧嶂頭白雲朝影靜明月夜  
光浮身上無塵垢心中那更憂

五言

五言

千雲萬水間中有一閑士白日游青  
山夜歸巖下睡條爾過春秋寂然無  
塵累快哉何所依靜若秋江水

勸你休去來莫惱他閻老失脚入三  
途粉骨遭千擣長爲地獄人永隔今  
生道勉你信余言識取衣中寶

世間一等流誠堪與人笑出家弊已  
身誑俗將爲道雖着離塵衣衣中多



養蚕不如歸去來識取心王好  
高高峯頂上四顧極無邊獨坐無人  
知孤月照寒泉泉中且無月月自在  
青天吟此一曲歌歌中不是禪

有箇王秀才笑我詩多失云不識蜂  
腰仍不會鶴膝平側不解壓凡言取  
次出我笑你作詩如盲徒詠曰

我住在村鄉無爺亦無孃無名無姓

六四

天

第人喚作張王並無人教我貧賤也  
尋常自憐心的實堅固等金剛

寒山出此語此語無人信蜜甜足人  
嘗黃蘗苦難吞順情生喜悅逆意多  
嗔恨但看木偶偶弄了一場困

我見人轉經依他言語會口轉心不  
轉心口相違背心真無委曲不作諸  
纏蓋但且自省躬莫覓他替代可中

作得主是知無內外

寒山唯白雲寂寂絕埃塵草座山家有孤燈明月輪石牀臨碧沼虎鹿每爲鄰白羨幽居樂長爲象外人

鹿生深林中飲水而食草伸脚樹下眠可憐無煩惱繫之在華堂餽餽極肥好終日不肯嘗形容轉枯槁

花上黃鶯子關關聲可憐美人顏似

見

玉對此弄鳴絃翫之能不足眷戀在韶年花飛鳥亦散灑淚春風前

棲遲寒巖下偏訝最幽奇携籃採山茹挈籠摘菓歸蔬齋敷茅坐啜啄食紫芝清沼濯瓢鉢雜和煮稠稀當陽擁裘坐閑讀古人詩

昔日經行處今復七十年故人無來往埋在古冢間余今頭已白猶守片



雲山爲報後來子何不讀古言

我見利智人觀者便知意不假尋文  
字直入如來地心不逐諸緣意根不  
妄起心意不生時內外無餘事

身著空花衣足躡龜毛履手把兔角  
弓擬射無明鬼

君看葉裏花能得幾時好今日畏人  
攀明朝待誰掃可憐嬌艷情年久轉

成老將世比於花紅顏豈長保

縱你居犀角饒君帶虎睛桃枝折作  
醫蓀殼取爲瓔暖腹茱萸酒空心枸  
杞羹終歸不免死浪自覓長生

爲人常喫用愛意湏慳惜老去不自  
由漸被他催斥送向荒山頭一生願  
虛擲亡羊罷補牢失意終無極

寒山無漏巖其巖甚濟要八風吹不

動萬古人傳妙寂寂好安居空空離  
譏謂孤月夜長明圓日常來照虎丘  
兼虎谿不用相呼召世間有王傳莫  
把同周邵我自遯寒巖快活長歌笑  
沙門不持戒道士不服藥自古多少  
賢盡在青山脚

有人笑我詩我詩合典雅不煩鄭氏  
箋豈用毛公解不恨會人稀只爲知

音寡若遣赴宮商余病莫能罷忽遇  
明眼人即自流天下

### 三字詩

寒山道無人到若能行稱十號有蟬  
鳴無鴉噪黃葉落白雲掃石磊磊山  
隩隩我獨居名善導子細看何相好  
寒山寒冰鎖石藏山青現雪白日出  
照一時釋從茲暖養老客



我居山勿人識白雲中常寂寂

寒山深稱我心純白石勿黃金泉聲  
響撫伯琴有子期辨此音

重巖中足清風扇不搖涼氣通明月  
照白雲籠獨自坐一老翁

寒山子長如是獨自居不生死

我見世間人箇箇爭意氣一朝忽然  
死只得一片地闊四尺長丈二汝若

會出來爭意氣我與汝立碑記

家有寒山詩勝汝看經卷書放屏風  
上時時看一遍

豐干禪師詩

余自來天台凡經幾萬迴一身如雲  
水悠悠任去來逍遙絕無鬧忘機隆  
佛道世間岐路心衆生多煩惱兀兀  
沈浪海漂漂輪三界可惜一靈物無

始被境埋電光瞥然起生死紛塵埃  
寒山特相訪拾得常徃來論心話明  
月太虛廓無礙法界即無邊一法普  
徧該

本來無一物亦無塵可拂若能了達  
此不用坐兀兀

拾得詩

自從到此天台寺經今早已幾冬春  
山水不移人自老見却多少後生人  
君不見三界之中紛擾擾只爲無明  
不了絕一念不生心澄然無去無來  
不生滅

我見頑鈍人燈心挂湏彌蟻子齧大  
樹焉知氣力微學咬兩莖菜言與祖  
師齊火急求懺悔從今輒莫迷  
君見月光明照燭四天下圓輝掛太



虛瑩淨能蕭灑人道有虧盈我見無  
衰謝狀似摩尼珠光明無晝夜

余住無方所盤礴無爲理時陟涅盤  
山或翫香林寺尋常只是閑言不干  
名利東海變桑田我心誰管你  
左手握驪珠右手執慧劍先破無明  
賊神珠吐光燄傷嗟愚癡人貪愛那  
生厭一墮三途間始覺前程險

六六

六六

般若酒泠泠飲多人易醒余住天台  
山凡愚那見形常遊深谷洞終不逐  
時情無愁亦無慮無辱也無榮

諸佛留藏經只爲人難化不唯賢與  
愚箇箇心構架造業大如山豈解懷  
憂怕那肯細尋思日夜懷茲詐

嗟見世間人箇箇愛喫肉椀楪不曾  
乾長時道不足昨日設箇齋今朝宰

六畜都緣業使牽非干情所欲一度  
造天堂百度造地獄閻羅使來追合  
家盡啼哭鑪子邊向火鑊子裏澡浴  
更得出頭時換却汝衣服

出家要清閑清閑即爲貴如何塵外  
人却入塵埃裏一向迷本心終朝役  
名利名利得到身形容已顛顛况復  
不遂者虛用平生志可憐無事人未  
能笑得汝

養兒與取妻養女求媒娉重重皆是  
業更殺衆生命聚集會親情總來看  
盤釘目下雖稱心罪簿先注定  
得此分段身可笑好形質面貌似銀  
盤心中黑如漆烹猪又宰羊誇道甜  
如蜜死後受波吒更莫稱冤屈  
佛哀三界子總是親男女恐沉黑暗



坑示儀垂化度盡登無上道俱證菩提  
路教汝癡衆生慧心勤覺悟

佛捨尊榮樂爲愍諸癡子早願悟無  
生辦集無上事後來出家者多緣無  
業次不能得衣食頭鑽入於寺

嗟見世間人永劫在迷津不省者箇  
意修行徒苦辛

我詩也是詩有人喚作偈詩偈總一

六

般讀時須子細緩緩細披尋不得生  
容易依此學修行大有可笑事

有偈有千萬卒急速應難若要相知  
者但入天台山巖中深處坐說理及  
談玄共我不相見對面似千山  
世間億萬人面孔不相似借問何因  
緣致令遣如此各執一般見互說非  
兼是但自修己身不要言他已

男女爲婚嫁俗務是常儀自量其事  
力何用廣張施取債誇人我論情入  
骨癡殺他鷄犬命身死墮阿鼻

世上一種人出性常多事終日傍行  
衢不離諸酒肆爲他作保見替他說  
道理一朝有乖張過咎全歸你

我勸出家輩湏知教法深專心求出  
離輒莫染貪婬大有俗中士知非不  
受金故知君子志任運聽浮沉

寒山白寒山拾得自拾得凡愚豈見  
知豐干却相識見時不可見覓時何  
處覓借問有何緣向道無爲力

從來是拾得不是偶然稱別無親眷  
屬寒山是我兄兩人心相似誰能徇  
俗情若問年多少黃河幾度清

若解捉老鼠不在五白猫若能悟理



性那由錦繡包真珠入席袋佛性止  
蓬茅一群取相漢用意總無交  
運心常寬廣此則名爲布輟已惠於  
人方可名爲施後來人不知焉能會  
此義未設一庸僧早擬望富貴  
獼猴尚教得人可不憤發前車旣落  
坑後車湏改轍若也不知此恐君惡  
合殺比來是夜叉變即成菩薩

六十九

自笑老夫筋力敗偏戀松巖愛獨遊  
可歎往年至今日任運還同不繫舟  
躑躅一群羊汭山又入谷看人貪竹  
塞且遭豺狼逐元不出孳生便將充  
口腹從頭喫至尾餉餉無餘肉  
銀星釘秤衡綠絲作秤細買人推向  
前賣人推向後不顧他心怨唯言我  
好手死去見閻王背後插掃帚

閑門私造罪准擬免灾殃被他惡部  
童抄得報閻王縱不入鑊湯亦湏卧  
鐵牀不許雇人替自作自身當

無去無來本湛然不拘内外及中間  
一顆水精絕瑕翳光明透滿出人天  
三界如轉輪浮生若流水蠢蠢諸品  
類貪生不覺死汝看朝垂露能得幾  
時子

閑入天台洞訪人人不知寒山爲伴  
侶松下嗽靈芝每談今古事嗟見世  
愚癡箇箇入地獄那得出頭時

古佛路淒淒愚人到却迷只緣前業  
重所以不能知欲識無爲理心中不  
掛絲生生勤苦學必定覩吾師

各有天真佛號之爲寶王珠光日夜  
照玄妙卒難量盲人常兀兀那肯怕



灾殃唯貪婬。汙業此輩實堪傷。  
出家求出離。哀念苦衆生。助佛爲揚。  
化令教選路。行何曾解救。苦恣意亂。  
縱橫一時同。又溺俱落大深坑。

常飲三毒酒。昏昏都不知。將錢作夢。  
事夢事成鐵圍。以苦欲捨苦。捨苦無。  
出期應。須早覺悟覺悟。自歸依。

悠悠塵裏人。常樂塵中趣。我見塵中

人心多生憫。顧何哉。憫此流念彼塵

中苦

少年學書劍。叱馭到京州。聞伐匈奴。  
盡娑娑無處遊。歸來翠巖下。席草枕。

清流壯士志。朱紱獼猴騎。土牛

雲山疊疊幾千重。幽谷路深絕人蹤。  
碧澗清流多勝境。時來鳥語合人心。  
後來出家子。論情入骨癡。本來求解。

脫却見受驅馳終朝遊俗舍禮念作  
威儀博錢沽酒喫翻成客作兒  
若論常快活唯有隱居人林花長似  
錦四季色常新或向巖間坐旋瞻丹  
桂輪雖然身暢逸却念世間人  
我見出家人總愛喫酒肉此合上天  
堂却沉歸地獄念得兩卷經欺他市  
鄞俗豈知鄞俗人大有根性熟

嗟見多知漢終日枉用心岐路逞嘍  
囉欺謾一切人唯作地獄滓不修來  
世因忽爾無常到定知亂紛紛

迢迢山徑峻萬仞險隘危石橋莓苔  
綠時見片雲飛瀑布懸如練月影落  
潭輝更登華頂上猶待孤鶴期

松月冷颼颼片片雲霞起匝匝幾重  
山縱目千萬里谿潭水澄澄徹底鏡



相似可貴靈臺物七寶莫能比

世有多解人愚癡學閑文不憂當來  
果唯知造惡因見佛不解禮觀僧倍  
生瞋五逆十惡輩三毒以爲鄰死定  
入地獄未有出頭辰

可笑是林泉數里多人煙雲從巖嶂  
起瀑布水潺潺猿啼暢道曲虎嘯出  
人間松風清颯颯鳥語聲關關獨步

繞石澗孤陟上峰巒時坐盤陀石偃  
仰攀蘿泐遙望城隍處唯聞闌喧喧  
水浸泥彈丸思量無道理浮泡夢幻  
身百年能幾幾不解細思惟將言長  
不死誅剥壘千金留將與妻子

按三隱詩山中舊本如此不復  
校正博古君子兩眼如月政要  
觀雪中芭蕉盡耳

天台山國清禪寺三隱集記

豐干禪師唐正觀初居天台山國清寺剪髮齊眉衣布裘人或問佛理止荅隨時二字常唱道乘虎出入衆僧驚畏無誰語有寒山子拾得者亦不知其氏族時謂風狂子獨與師相親寒居止唐興縣西七十里寒巖以是得名拾因師至赤城道側聞兒啼聲問之云孤棄于此乃名拾得携至寺付庫院後庫僧靈熠今知食堂香燈忽登坐與佛像對盤而飧復於聖僧前呼曰小果熠告尊宿等易令厨内滌器常日齋畢澄瀘殘食菜滓以筒盛之寒來即負之而去寒容貌枯悴布襦零落以樺皮爲冠曳大木屐時至寺或廊下徐行或厨内執爨或混處



童牧或時叫噪望空慢罵或云咄哉  
咄哉三界輪迴僧以杖逼逐即撫掌  
大笑一日問師古鏡不磨如何照燭  
曰冰壺無影像猿猴探水月曰此是  
不照燭也更請師道曰萬德不將來  
教我道什麼寒拾俱作禮師謂寒曰  
汝與我遊五臺即我同流若不與我  
去非我同流曰我不去師曰汝不是  
我同流寒問汝去五臺作什麼曰我  
去禮文殊曰汝不是我同流師尋獨  
入五臺逢一老翁問莫是文殊否曰  
豈有二文殊及作禮忽不見後回天  
台而化寒因衆僧炙茄以茄串打僧  
背一下僧回首寒持串云是什麼僧  
云這風顛漢寒示傍僧曰你道這箇  
師僧費却多少鹽醬趙州到天台行

見牛迹寒曰上坐還識牛麼此是五百羅漢遊山州曰既是羅漢爲什麼作牛去寒曰蒼天蒼天州呵呵大笑寒曰笑作什麼州曰蒼天蒼天寒曰這小厮兒却有大人之作瀉山來寺受戒與拾往松門夾道作虎吼三聲瀉無對寒曰自從靈山一別迄至于今還相記麼瀉亦無對拾拈拄杖曰

記

三五

老兄喚這箇作什麼瀉又無對寒曰休休不用問它自從別後已三生作國王來總忘却也拾掃地寺主問姓箇什麼住在何處拾置帚叉手而立主罔測寒槌胸曰蒼天蒼天拾問汝作什麼寒曰豈不見道東家人死西家助哀因作舞笑哭而出又於莊舍牧牛歌詠叫天曰我有一珠埋在陰



中無人別者衆僧說戒拾驅牛至倚  
門撫掌微笑曰悠悠哉聚頭作相這  
箇如何僧怒呵云下人風狂破我說  
戒拾笑曰無瞋即是戒心淨即出家  
我性與汝合一切法無差驅牛出乃  
呼前世僧名牛即應聲而過復曰前  
生不持戒人面而畜心汝今招此咎  
怨恨於何人佛力雖然大汝辜於佛

記

三六

恩護伽藍神僧厨下食每每爲烏所  
耗拾杖扶之曰汝食不能護安能護  
伽藍乎神附夢于合寺僧曰拾得打  
我詰旦說夢一一無差視神像果有  
所損驚異牒申郡縣郡謂賢士邂逅  
菩薩應身號拾得賢士初閭丘胤將  
牧丹丘頭疾醫莫能愈遇禪師名豐  
干言自天台來謁使君告之病師曰

身居四大病從幻生若欲除之應湏  
淨水索器呪水喫之立愈閭丘異之  
乞言示此去安危之兆師曰記謁文  
殊普賢此二菩薩見之不識識之不  
見若欲見之不得取相國清寺執爨  
滌器寒山拾得是也閭丘到任三日  
至國清問此寺有豐干禪師否寒山  
拾得復是何人僧道翹對曰豐干舊

址在經藏後今聞無人矣寒山拾得  
尚處僧厨閭丘入師房止見虎迹復  
問在此作何行業翹曰唯事負春供  
僧閑則諷詠入厨尋訪寒拾見於竈  
前向火拊掌大笑閭丘致拜二人連  
聲呵叱執手復大笑曰豐干饒舌饒  
舌彌陀不識禮我何爲相携出松門  
自此不復入寺閭丘歸郡送淨衣香



藥到巖寒高聲喝曰賊賊遂入巖石縫中且曰報汝諸人各各努力石縫忽合後有僧採薪南峰距寺東南二里遇一梵儀持錫入巖挑鐮子骨曰取捨得舍利乃知入滅于此因號巖爲捨得閭丘俾道翹尋訪遺迹於林間葉上得寒所書辭頌及村墅人家三百餘首拾亦有詩數十首題石壁間云按舊序二人呵叱自執手大笑閭丘歸郡遣送衣藥與夫挑鐮子骨等語乃知寒山不執閭丘手閭丘未嘗至寒巖捨得亦出寺門二里許入滅今傳燈所錄誤矣因筆及此以俟百世君子淳熙十六年歲次己酉孟春十有九日住山禹穴沙門志南謹記

大士垂炷不泄密回語言三昧發於  
淵才雅思大圭不琢豈追琢者可同  
曰而語或直道其事使賢鄙同笑粗  
言軟語咸彰至理悅耳目適口體此  
其深誠究已躬明心性此其格言緩  
細披尋大有好笑板行其可關乎東  
臯必芻無隱得舊本感慨重刊俾為  
讎校曰題其後一覽知妙且由此而  
入較卅里尤當寶翫昔屠維亦奮若  
陴月上澣華山除僮男可明敬跋



桂屋老兄所寄宋板寒山詩一卷、昔聞邱允序外有比邱慧身序  
朱晦翁與南老帖陸放翁與明老帖及志南可明二跋二篇筆勢回  
佳而辭意得、有金字畫稍大便於觀覽、諸陸所寄楚辭集中所  
載多九字蓋未得帖、前已刻者不視二帖之足、見古人珍重物一  
致者、概以余所藏同將剪其刻本及金唐詩解照之其為如老  
次者有相同者序中、所云於竹木石壁書文句三百餘言纂集成卷  
既已成卷矣不知何緣搖動、如此者又篇中、有都東六言者  
一例書巖石則今存者僅其半耳余把寒詩反覆誦詠可明  
所謂淵字雅思且其清篇必多是壯歲螢雪餘業矣其辭采  
富腴賡續絕無寒乞相似非至風狂子衡口白成篇書諸竹木石  
不特及至理明性喃喃、下為發世頓挫、言之而已留覽累日出  
之以質之

老兄

丁巳之立秋節

范



宮內廳書陵部

圖書寮文庫藏



宮内廳書陵部  
圖書寮文庫藏



宮内廳書陵部  
圖書寮文庫藏

宮内廳書陵部  
圖書寮文庫藏

